

E C S O D U S.

C A I B. I.

ANis *is* iad fo ainmeanna chloinn Israeil, a thàinig do'n Eiphit; thàinig gach duine agus a theaghlach maille re Iacob:

2 Reuben, Simeon, Lebhi, agus Iudah,

3 Isachar, Sebulun, agus Beniamin,

4 Dan, agus Naphtali, Gad, agus Aser.

5 Agus na h-anman uile a thàinig a mach a leasraidh Iacoib, bu deich agus trì fichead anam iad; oir bha Ioseph 'san Eiphit *a cheana*.

6 Agus fhuair Ioseph bàs, agus a bhràithrean uile, agus an ginealach ^a sin uile.

7 Agus bha clann Israeil sìolmhar, agus dh'fhàs iad gu mòr, agus rinneadh lìonmhor iad, agus chinn ^b iad ro-chumhachdach; agus lìonadh an tìr leo.

8 Anis dh'èirich rìgh ùr air an Eiphit, do nach b'aithne Ioseph.

9 Agus thubhairt e r'a shluagh, Feuch, tha sluagh chloinn Israeil nì's lìonmhoire agus nì's cumhachdaiche na sinne.

10 Thigibh, buineamaid gu feòlta ^c: an t-eagal gu'm fàs iad lìonmhor, agus gu'n tachair e, 'nuair a dh'èireas cogadh, gu'n

gabhadh iadfan mar an ceudna le'n naimhidibh-ne, agus gu'n cog iad ^d 'nar n-aghaidh, agus gu'n d'thèid iad a mach às an tìr.

11 Uime sin chuir iad maighstirean-oibre ^e orra, chum an fàrachadh le'n callachaibh ^f. Agus thog iad bailtean-ionmhais ^g do Pharaoh, Pitom agus Ramfès.

12 Ach mar is mò a shàraich siad iad, 's ann is mò a rinneadh iadfan lìonmhor agus a dh'fhàs iad. Agus bha iad fuidh dhoilgheas ^h air son chloinn Israeil.

13 Agus thug na h-Eiphitich air cloinn Israeil feirbhis a dheanamh le cruadhas ⁱ.

14 Agus rinn iad am beatha fearbh dhoibh le daorfa chruidh, ann am moirtear, agus ann an clachaibh - creadha, agus anns gach gnè oibre 'fa' mhachair: bha an obair uile, anns an d'thug iad orra obair a dheanamh, le cruadhas.

15 Agus labhair rìgh na h-Eiphit re mnaibh-glùine nan Eabhruidheach (*b'e* ainm ^a h-aon diubh Siphrah, agus ainm na té cile Puah;)

16 Agus thubhairt e, 'Nuair a nì sibh gnìomh mna-glùine do na mnaibh Eabhruidheach, agus a chi sibh iad air na slò-
aibh ^k; ma's mac *a bhios ann*, 'an sin marbhaidh sibh e, ach

^a àl. ^b dh'fhàs. ^c glic. ^d gu'n dear iad cogadh. ^e cinn-cìr.
^f uallachaibh, eiribh. ^g bailte-stòir. ^h im-cheist. ⁱ an-iòchd, peing.